



**ՀԱՅՐԱՊԵՏԱԿԱՆ ՀԱՆԴԻՍԱՎՈՐ ՍՈՒՐԲ
ՊԱՏԱՐԱԳ ԵՎ ՔԱՐՈՋ ՄԱՅՐ ՏԱՃԱՐՈՒՄ՝
ՓՐԿՉԻ ՀՐԱՇԱՓԱՌԻ ՀԱՐՈՒԹՅԱՆ ՏՈՆԻ ԱՌԹԻՎ**

**Ապրիլի 11-ին, կիրակի.—Ջատիկ. Յա-
րութին Տեառն մերոյ Յիսուսի Քրիստոսի:**

Օրը սովորականից պայծառ է, անամպ
ու տաք: Դեռ վաղ առավոտյան ժամերից
սկսած հավատացյալների և ուխտավորների
հոծ բազմությունը լցրել է Մայր տաճարը և
նրա շրջակայը, ներկա լինելով առավոտ-
յան ժամերգությանը:

Ժամը 11-ին ուրախ դողանջում են Մայր
տաճարի զանգերը: Վեհափառ Հայրապետը,
Մայր Աթոռի միաբանության ուղեկցությամբ,
հանդիսավորապես Վեհարանից առաջնորդ-
վում է Մայր տաճար՝ զատկական սուրբ
պատարագ մատուցելու:

Սկսվում է սուրբ պատարագը, որի երգե-
ցողությունը կատարում է Մայր տաճարի
երգչախումբը:

«Հայր մեր»-ից առաջ, ս. Ջատիկ առի-
թով, Վեհափառ Հայրապետը խոսում է կրո-
նաշունչ և հայրենաբույր մի քարոզ, որը
հաջորդ երեկոյան, ժամը 11.30-ին, ձայնա-
սփռվում է Երևանի ռադիոկայանից:

Հայրապետական սույն քարոզը տպագր-
վել է «Էջմիածին» ամսագրի սույն համա-
րում (էջ 5):

Ս. պատարագին ներկա է լինում ուխտա-
վորաբար մայր հայրենիքում գտնվող ե-
գիպտահայերի մի մեծ խումբ:

Ս. պատարագի ավարտին Վեհափառ
Հայրապետը եկեղեցական թափորով ա-
ռաջնորդվում է Վեհարանի գահաբաժին:

Հանուն Մայր Աթոռի միաբանության և
ներկա գտնվող ողջ հավատացյալների, Մայր
տաճարի լուսարարապետ տ. Հայկազուն
արքեպ. Արքահամյանը շնորհավորում է
Ն. Ս. Օծության Ջատիկը, ցանկանում Նրան
երկար ու երջանիկ օրեր՝ ի փառս Մայր Ա-
թոռի պայծառության:

Այնուհետև խոսք է առնում Վեհափառ
Հայրապետը, շնորհավորում ողջ հայ ժողո-
վրդի այս մեծ տոնը, օրհնում է մեր եկեղե-
ցին, ազգը՝ հայրենիքում և ի սփյուռս աշ-
խարհի, ցանկանում նրան խաղաղ ու քա-
ղաքավան օրեր:

Ներկաները հերթով համբուրում են Վե-
հափառի ս. Աջը և շնորհավորում Նրա Ջա-
տիկը:

Ջատկական հանդիսությունը վերջանում
է Վեհափառ Հայրապետի «Պահպանիչ»-ով:

Այնուհետև Ն. Ս. Օծությունը քարեհանում
է ընդունել եգիպտահայ ուխտավորներին,
հայրական մտերիմ գրույց ունենում նրանց
հետ, հետաքրքրվում է եգիպտահայ ազգա-
լիկ-եկեղեցական կյանքով: Վերջում իր
պանդուխտ զավակներին տալիս է հայրա-
կան իր օրհնությունը, ցանկանում նրանց
քաջառողջություն և երջանիկ օրեր: